

ՀԱՇՎԵՏՎՈՒԹՅՈՒՆ

2022 թվականի հուլիսի 11-ից 13-ը շրջակա միջավայրի նախարար Հակոբ Սիմիոյանին, նախարարի տեղակալ Գայանե Գաբրիելյանին և նախարարի օգնական Խաչիկ Բեկյանին Իրանի Իսլամական Հանրապետություն (քաղաք Թեհրան) գործուղման արդյունքների վերաբերյալ

1. ԳՈՐԾՈՒՂՎԱԾ ԱՆՁԻՔ

Հակոբ Սիմիոյան
Գայանե Գաբրիելյան
Խաչիկ Բեկյան

2. ԶԲԱՂԵՑՐԱԾ ՊԱՇՏՈՆՆԵՐԸ

Շրջակա միջավայրի նախարար
Շրջակա միջավայրի նախարարի տեղակալ
Շրջակա միջավայրի նախարարի օգնական

3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ

Թեհրան (Իրանի Իսլամական Հանրապետություն)
2022թ. հուլիսի 11-ից հուլիսի 13-ը

4. ՀՐԱՎԻՐՈՂ ԿՈՂՄԸ

Իրանի Իսլամական Հանրապետության կառավարություն

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն «Շրջակա միջավայրի ոլորտում համագործակցություն հանուն ավելի լավ ապագայի» թեմայով հանդիպմանը

6. ՔՆՆԱՐԿՎԱԾ ԹԵՄԱՆԵՐԸ

Համաժողովի ընթացքում քննարկվել են.

- շրջակա միջավայրի ոլորտում ընդհանուր մարտահրավերների և գլոբալ աղետների արդյունավետ հաղթահարման շուրջ ջանքերի միավորման հնարավորությունները,
- ավազի և փոշու փոթորիկների կառավարման համար հետազոտությունների և գործողությունների հրատապ անհրաժեշտությունը,
- համընդհանուր բնապահպանական ֆոնդ և ջանքերի միավորման կենտրոն ստեղծելու անհրաժեշտությունը,
- տարածաշրջանում աճող բնապահպանական մարտահրավերների և դրանց լուծման համար տարածաշրջանային և անդրսահմանային համագործակցությունը,

- առողջ և կայուն միջավայր ստեղծելու համար լուծումներ գտնելու ուղիները՝ որպես հիմք տարածաշրջանի երկրների հասարակությունների հետագա բարեկեցիկ միջավայր ապահովելու գործում:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Համաժողովին հրավիրված էին մասնակցելու տարածաշրջանի 15 երկրների մասնակցիներ. բացակայում էին Ռուսաստանի, Պակիստանի, Ղազախստանի ներկայացուցիչները:

Ելույթի սկզբում անդրադարձ է կատարվել հայ-իրանական բարեկամական հարաբերություններին՝ մատնանշելով շրջակա միջավայրի պահպանության ոլորտում երկու երկրների միջև փոխգործակցության արդյունքում ձևավորված միջպետական համագործակցության շարունակական զարգացումն ու ամրապնդման անհրաժեշտությունը և կարևորվել ոլորտում առկա երկկողմ հետաքրքրություն ներկայացնող հարցերի շուրջ աշխատանքների ծավալումն ու զարգացումը:

Հայաստանի Հանրապետությունն՝ ի դեմս Կառավարության, որդեգրել է բնապահպանական հավակնոտ օրակարգ, որում իր հատուկ տեղն ունի համագործակցությունն ինչպես բարեկամ և հարևան պետությունների, այնպես էլ միջազգային գործընկեր կազմակերպությունների հետ, որոնք տասնյակ տարիներ իրենց արդյունավետ առաքելությունն են իրականացնում տարածաշրջանում, այդ թվում՝ Հայաստանի Հանրապետությունում: Բացի այդ, ՀՀ Կառավարությունը մշակել է շրջակա միջավայրի և բնական ռեսուրսների համալիր պահպանությանն ուղղված քաղաքականություն՝ առաջնահերթ ուղղությունների շարքում ներառելով շրջակա միջավայրի բոլոր բաղադրիչների կայուն կառավարումը, զարգացումն ու պահպանությունը:

Կանաչ փոխակերպման և կլիմայի փոփոխությանը դիմագրավելու ուղղությամբ Հայաստանի Հանրապետության կառավարության տեսլականը հիմնված է կանաչ և ցածրածխածնային աճի սկզբունքների վրա, ինչը ենթադրում է հարմարվողականության և մեղմման ջանքերի ընդլայնում՝ սկսած անտառվերականգնումից մինչև վերականգնվող էներգիայի և էներգաարդյունավետության ներդրումներ:

Չնայած COVID-19 համավարակի և Լեռնային Ղարաբաղում 2020 թվականի 44-օրյա պատերազմի հետևանքով առաջացած մարտահրավերներին՝ Հայաստանի Հանրապետությունը հավատարիմ է մնացել գլոբալ բնապահպանական համաձայնագրերով ստանձնած իր պարտավորությունների արդյունավետ իրականացմանը:

Հայաստանի Հանրապետության կառավարությունը ձեռնարկել է և շարունակում է իրականացնել գործողություններ՝ ուղղված կլիմայի փոփոխության հետևանքների նկատմամբ հարմարվողականության իրականացմանն ու պլանավորման աջակցմանը, միևնույն ժամանակ՝ ինստիտուցիոնալ մակարդակում իրականացվող գործողությունների միջոցով անդրադառնալով արդեն իսկ առկա փոփոխություններին, և առանձնահատուկ շեշտադրելով կլիմայի փոփոխությանն առնչվող քաղաքականության և ծրագրերի կարևորությունը:

Անդրադարձ է կատարվել նաև ջրային ոլորտին առնչվող հարցերին (մասնավորապես՝ Արաքս սահմանային գետի) և խոսվել դրանց լուծման ուղղությամբ ձեռնարկվող քայլերից:

Երկկողմ հանդիպումներ.

1. Համաժողովի ընթացքում տեղի է ունեցել երկկողմ հանդիպում Իրանի Իսլամական Հանրապետության նախագահի տեղակալ, Իրանի բնապահպանության կազմակերպության նախագահ Ալի Սալաջեդեի հետ:

Անդրադարձ է կատարվել հայ-իրանական հարաբերություններին, որոնք գտնվում են բարձր մակարդակի վրա և երկուստեք փոխգործակցության արդյունքում տարբեր ոլորտներում արդեն իսկ գրանցել ենք նշանակալի արդյունքներ: Իսկ շրջակա միջավայրի ոլորտում համագործակցությունը զարգանում է բավականին դինամիկ և օգտավետ:

Խոսելով հայ-իրանական արդյունավետ համագործակցության փորձի մասին՝ անդրադարձել է կատարվել նաև Երևանում կայացած «Հայ-իրանական միջկառավարական համատեղ հանձնաժողովի 17-րդ նիստի» ժամանակ կնքված փոխըմբռնման հուշագրին, որով կողմերն արձանագրել են առևտրի, արդյունաբերության, առողջապահության, շրջակա միջավայրի, կրթության, մշակույթի, զբոսաշրջության, գյուղատնտեսության և բարձր տեխնոլոգիաների ոլորտներում համագործակցությունը զարգացնելու երկկողմ պատրաստակամությունը:

Հանդիպման ընթացքում առավել մանրամասն քննարկվել են հուշագրով սահմանված պահանջներին համապատասխան համագործակցության քայլերը:

Անդրադարձ է կատարվել նաև Արաքս սահմանային գետի վերաբերյալ վերջին ամիսների արդյունավետ համատեղ աշխատանքին: Հայկական կողմի պատրաստակամությունն է հայտնել շարունակել համագործակցությունը խնդիրների լուծման ուղղությամբ և հույս հայտնել, որ այդ փոխգործակցության արդյունքում առաջիկայում առավել տեսանելի արդյունքներ կգրանցվեն:

Քննարկվել են ոլորտին առնչվող այլ ընթացիկ հարցեր:

Հանդիպման վերջում պարոն Ալի Սալաջեդեին առաջարկվել է այցելել Հայաստան՝ լիահույս լինելով, որ փոխայցելությունները կխթանեն առավել արդյունավետ համագործակցության և ձեռքբերված պայմանավորվածությունների կյանքի կոչմանը:

2. Տեղի է ունեցել հանդիպում նաև ՀՀ շրջակա միջավայրի նախարարի տեղակալի և Իրանի բնապահպանության կազմակերպության նախագահի տեղակալի մակարդակով: Մանրամասն քննարկվել է «Հայ-իրանական միջկառավարական համատեղ հանձնաժողովի 17-րդ նիստի» ընթացքում կնքված փոխըմբռնման հուշագրով նախատեսված աշխատանքային քարտեզի նախագիծը, համաձայնություն է ձեռք բերվել համատեղ աշխատանքային խմբերի աշխատանքների վերսկսման ուղղությամբ:


8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԱՏՈՐԱԳՐՎԱԾ ՓԱՍՏԱԹՂԹԵՐԸ

Հանդիպման ընթացքում ընդունվել է «Թեհրանի հոշակագիրը», որը կհանդիսանա ընդհանուր հիմք տարածաշրջանում հետագա համագործակցության համար և որի նպատակն է լինելու խթանել տարածաշրջանային համագործակցությունը՝ լուծելու բնապահպանական մարտահրավերները, որոնք ազդում են տարածաշրջանի երկրների շրջակա միջավայրի կայուն կառավարման վրա:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

- Հանդիպման ընթացքում առաջարկվել է կազմակերպել շրջակա միջավայրի պահպանության ոլորտին առնչվող հարցերով (մասնավորապես՝ ջրերի, հողերի, ավազի և փոշու, կենսաբազմազանության, թափոնների կառավարման) վերապատրաստումներ, փորձի փոխանակում:
- Իրանական կողմին առաջարկվեց ներկայացնել երկու երկրների աշխատանքերի վերսկսման աշխատանքային քարտեզի նախագիծը:
- Իրանի բնապահպանության կազմակերպության նախագահին առաջարկվել է այցելել Հայաստան. փոխայցելությունները կխթանեն առավել արդյունավետ համագործակցության և ձեռքբերված պայմանավորվածությունների կյանքի կոչմանը:
- Առաջակվել է հնարավորինս սեղմ ժամկետներում վերսկսել երկու երկրների մոնիթորինգային և մասնագիտական աշխատանքային խմբերի լիակատար աշխատանքները:

Շրջակա միջավայրի նախարար



Հակոբ Սիմիոյան
19.07.2022թ.